

Bismillahir-Rahmanir-Rahim



BOSNIAN AMERICAN ISLAMIC CENTER OF DETROIT

3437 Caniff St. Hamtramck, MI 48212

Tel. 313 893 6840 <http://baic-detroit.com/news.php>

U povodu petnaeste godišnjice genocida u Bosni i Hercegovini, pozivamo Vas da u **Nedjelju 11. jula 2010. godine**, dok ostaci, od 775 žrtava srebreničkog genocida, budu pokopavani u Potočarima, budemo svi zajedno i da zajednički proučimo Tewhidi- Sherif i dovu u **18:00 u prostorijama Bosansko-Američkog Islamskog Centra Detroit**, uz molbu uzvišenom Bogu da nas zbliži u međusobnom poštovanju i ljudskoj solidarnosti, kako bismo jedni drugima činili dobro i kako bismo jedni druge čuvali od zla.

*Ova dova/molitva je naša nada da će nam budućnost biti bolja od naše prošlosti:
Bože Milostivi, ako mi zaboravimo Tebe, nemoj Ti zaboraviti nas;
Ako pogriješimo, podari nam snagu Ademovog (a.s.) pokajanja;
Ako nas zadesi nesreća, pouči nas Nuhovoj (a.s.) lađi spasa;
Ako nas zamrači krivovjere, osvjetli nam put Ibrahimovim (a.s.) pravovjere;
Ako nas uhvati strah od silnika, osposobi nas Musaovom (a.s.) pravdom;
Ako nam se ponudi mržnja, spasi nas Isaovom (a.s.) ljubavlju;
Ako budemo protjerani iz domova naših, osnaži nas Muhamedovom (a.s.) željom za
povratkom domovima našim.*

*Bože Svemogući, ujedini naša srca u vjeri i ljubavi!
Učvrsti korake naše u istini i pravdi!
Osnaži volju našu u bratsvu i slozi!
Udruži misli naše u domu i domovini!*

*Bože Pravedni, molimo Te da nasilnicima oduzmeš mač, a slabima da podariš moć vjere u
istinu i pravdu!*

*Molimo Te, Bože,
da tuga bude nada,
da osveta bude pravda,
da majčina suza bude molitva
da se više nikada i nikome ne ponovi Srebrenica!
Amin!*

